

ԱՆԳ.

Թաթարխանն եկն եմուտ ի ըստամպօլ ի հոկտմ. 17 և չուեաց ի հոկտ. 29: Եւ նորա բանիւ լիվօռ պէյն՝ կապայ հագաւ և եղև ուլահ պէյի: Այս այն պէյն է, որ յառաջն էր թարգման թագաւորին, և էր որդի գլխատեալ թարգմանին, և եղև պուղտան պէյի. իսկ այժմ եղև ուլահ պէյի, քանզի թաթարխանն խնդրեալ է ի թագաւորէն առնել զսա ուլահ պէյի: Ասէ ցնա թագաւորն. ո՞չ սա է նա, որ մինչ պուղտան պէյն էր, նորա ամբաստանութեամբն զթէն դու մանգուլ եղեր ի թաթարխանութենէդ: Պատասխանի ետ թաթարխանն. այժմ չէ ժամանակ վրէժխնդրութեան, զի այժմ պիտոյ է ինձ այր (պանա տտամ լազըմ տըր), զի ժամանակ պատերազմի է: (Հ. Յակ. Զամլ. առ Հ. Միք. Զամլ. և քեռորդիև Ստեփան, 1768 դեկտ. 18. [Կ. Պոլիս]):

ԱՆԷ.

Կարծեմ լուեալ է ձեր զմահն պապին¹, որ եղև յերեկոյի գէր հինգշաբթուն, ի չորս ժամու գիշերուն յանկարծակի, ի սաստիկ գիրութենէ և յանձկութենէ. և յայսմ հետեւեալ շաբաթու յաւուր չորեքշաբաթու մտանելոց են Գարտինալքն ամենեքին ի գօնգլան: (Հ. Գեորգ Պաղտ. առ Հ. Մկրտիչ Ան. 1769 փետր. 11 Հռովմ):

ԱՆՐ.

Ասեն, թէ տակաւին յամելոց է ընտրութիւն պապին. քանզի քսանեչորս ճիզվիթեան գարտինալք գոն որք մահուչափ երդուեալք ոչ հակին խնդրոց Թագաւորաց:... Գրեաց եղբայր պարոն Յովակիմին Նազարեան յանցեալ շաբաթսն թէ ի պատրաստի են և ի կամս, զՄուրատեան տէր Միքայէլն առնել ժողովրդապետ [Լիվոնոյի]: Եւ յայսմ շաբաթոջ զրէ թէ արդէն հաստատեցին բանս ընդ նմա, և գալոց է ի յալ[ի]կուռնայ ի Ֆիօրէնցայու յայտոսիկ աւուրս ընդ Փիզայու եպիսկոպոսին, և հաստատելոց են զնա ինքեանց ժողովրդապետ. և սա ևս ի բաղձացողացն է լինիլ անդ ժողովրդապետ: (Հ. Գեորգ Պաղտ. առ Հ. Մկրտիչ Ան. 1769 մայիս 6 Հռովմ):

ԱՆՔ.

Լուայ, թէ ձայն իցէ ի Վէնէտիկ, թէ զմենաստան սրբոյն անտօնի՝ որ այդր ի քասթելն է գնելոց են պատրի արմէնիքն: Թէ իրաւ իցէ այս ձայն, և թէ ոչ, չգիտեմ. միայն թէ ես լաւ համարիմ, զի թէ կարելի իցէ, գնեսցուք. և մեր լիցի այն պատուական և ընդարձակ տեղի: (Հ. Զաքարիա Ա. առ Մեղգոնեան, 1769 յուլիս 15. [Կ. Պոլիս]):

ԱՆ.

Արդ՝ տեսաք զգովեալ Թրիէսթն ի մերայնոց, որ է քաղաք բազմամարդ իբր զՎէնէտիկ. թէպէտ և փոքրիկ. և են ի նմա ապարանք ըստ շինուածոյ ապարանից Վէնէտիկեան գիւղից, է պայծառ, և լի զանազան ազգաց վաճառականօք. հանապազորդ աշխատին մարդիկ պէսպէս արուեստաւորօք

1. Կղեմէս ԺԳ.